



Broj: 09-20-11-2-1991
Sarajevo, 26.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. i člana 100. stav 3. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije donosi:

O D L U K U
o djelomičnom uvažavanju žalbe i donošenju ODLUKE o poništavanju
postupka javne nabavke
Nabavka i sukcesivna isporuka auto guma

I

Ovom Odlukom djelimično se usvaja žalba ponuđača „Unitrade“ d.o.o. Ljubuški izjavljena na Odluku o poništavanju postupka javne nabavke: „Nabavka i sukcesivna isporuka auto guma“, broj 09-20-11-2-1991 od 20.10.2022. godine, te se stavlja van snage Odluka o poništavanju postupka javne nabavke broj 09-20-11-2-1991 od 20.10.2022. godine.

II

Usvaja se žalbeni navod žalioaca da je za stavku 19 Anexa II Tenderske dokumentacije javne nabavke „Nabavka i sukcesivna isporuka auto guma“ ponudio odgovarajuću robu.

III

Poništava se postupak javne nabavke „Nabavka i sukcesivna isporuka auto guma“, a u skladu sa odredbom člana 69. stav (2) tačka d) Zakona o javnim nabavkama, iz razloga što niti jedna zaprimljena ponuda nije formalno pravno ispravna.

IV

Za izvršenje Odluke zadužuje se Sektor za materijalno-finansijske poslove.

V

Ova Odluka objaviti će se na internet stranici Federalne uprave policije.

VI

Ova Odluka stupa na snagu danom donošenja i o istoj će se obavjestiti svi učesnici u postupku

O B R A Z L O Ž E N J E

Federalna uprava policije je provela konkurentski postupak javne nabavke „Nabavka i sukcesivna isporuka auto guma“, broj Obavještenja o javnoj nabavci: 1412-7-1-189-8-123/22 od 05.10.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 19.526,03 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem zamjenika direktora Federalne uprave policije broj: 09-19/1-30-2-46 od 14.01.2022. godine.

Postupak je prvobitno okončan Odlukom o poništavanju postupka javne nabavke: „Nabavka i sukcesivna isporuka auto guma“, broj 09-20-11-2-1991 od 20.10.2022. godine, nakon čega u zakonski predviđenom roku (22.10.2022. godine) zaprimljena žalba ponuđača „Unutrade“ d.o.o Ljubuški. Navodi žalbe su se odnosili na to da je pomenuti ponuđač za stavku 19 Anexa II Tenderske dokumentacije ponudio odgovarajuću robu, a da je isključen iz procedure po osnovu neispunjavanja minimalnih uslova tenderske dokumentacije za navedenu stavku. S tim u vezi, nakon što je utvrđeno da je žalba blagovremena, dopuštena i izjavljena od ovlaštenog lica Komisija je izvršila ponovnu evaluaciju svih zaprimljenih ponuda i utvrdila sljedeće:

- da je u prvobitnom Zapisniku o pregledu i ocjeni ponuda napravljena gramatička greška odnosno došlo je do permutacije za stavke koje ponuđači „GUMA VP200“ D.O.O. MOSTAR i „UNITRADE D.O.O.“ LJUBUŠKI nisu ispunili u Anexu II i zbog čega su njihove ponude označene kao formalno-pravne neispravne tj. ponuđaču „GUMA VP 200“ je upisano da nije ispravna stavka pod rednim brojem 8, a treba da stoji stavka pod rednim brojem 19, dok je ponuđaču „UNITRADE D.O.O.“ LJUBUŠKI upisano da nije ispravna stavka pod rednim brojem 19, a treba da stoji stavka pod rednim brojem 8., što je ispravljeno novim Zapisnikom.

Također, na osnovu Zapisnika o ocjeni i pregledu ponuda od 25.10.2022. godine utvrđeno je sljedeće:

- da su zaprimljene tri (3) ponude, koje su ujedno i blagovremene, i to ponuđača: „UNITRADE“ d.o.o Ljubuški, „EURO DAM-JAS“ d.o.o Lukavac i „GUMA VP 200“ d.o.o Mostar,
- da nije bilo neblagovremeno zaprimljenih ponuda;
- da je Komisija konstatovala da ponude ponuđača „UNITRADE“ d.o.o Ljubuški, „EURO DAM-JAS“ d.o.o Lukavac i „GUMA VP 200“ d.o.o Mostar, formalno-pravno nisu ispravne iz sljedećih razloga:
 - Ponuđač „Euro Dam-Jas“ d.o.o. Lukavac u svojoj ponudi propustio je dostaviti kako slijedi:
 - U aneksu II, ponuđač nije naveo proizvođača, marku i tip gume koje se nude niti za jednu poziciju,

- Ponuđač u svojoj ponudi nije dostavio katalog ili izvod iz kataloga ili ispis sa web stranica proizvođača guma koje nudi, a kako je to traženo tačkom 2.2.2. Tenderske dokumentacije,
 - Ponuđač u svojoj ponudi nije dostavio Izjavu o dostavi garancije banke za dobro izvršenje ugovora,
 - Ponuđač u svojoj ponudi nije dostavio Aktuelni izvod iz sudskog registra, kako je to traženo tačkom 2.1. a) Tenderske dokumentacije,
 - Ponuđač u svojoj ponudi nije dostavio potvrde o uspješno realizovanim ugovorima, kako je to traženo tačkom 2.2.1 b) Tenderske dokumentacije,
- Ponuđač „UNITRADE“ d.o.o Ljubuški za stavku pod rednim brojem 8 Anexa II je ponudio gumu koja odstupa od minimalnih uslova definisanih pomenutim Anexom tenderske dokumentacije (minimalni index brzine - traženo S (180 km/h) – ponuđeno R (170 km/h),
- Ponuđač „GUMA VP 200“ d.o.o Mostar za stavku pod rednim brojem 19 Anexa II je ponudio gumu koja odstupa od minimalnih uslova definisanih pomenutim Anexom tenderske dokumentacije (minimalni index brzine - traženo T (190 km/h) – ponuđeno R (170 km/h),
- da je Komisija ocijenila da niti jedna zaprimljena ponuda ne ispunjava uslove definisane tenderskom dokumentacijom, nakon čega je Komisija dala preporuku o poništavanju postupka.

U vezi svega navedenog Ugovorni organ je djelimično uvažio žalbu ponuđača UNITRADE D.O.O.“ LJUBUŠKI, te stavio van snage Odluku o poništavanju postupka broj 09-20-11-2-1991 od 20.10.2022. godine, a istovremeno donio novu Odluku o poništavanju predmetnog postupka javne nabavke obzirom da ni jedna zaprimljena ponuda ne ispunjava uslove definisane tenderskom dokumentacijom, a što je utvrđeno ponovnim pregledom i ocjenom ponuda. Nadalje Komisija je u ponovnom pregledu ponuda cijenila da je navedena gramatička greška unijela zabunu kod ponuđača, obzirom da se uz Odluku dostavlja i Zapisnik o pregledu i ocjeni ponuda, iako navedena greška nije napravljena u Odluci već samo u Zapisniku, međutim navodi žalitelja u odnosu na Zapisnik su opravdani.

Iz navedenih razloga, a primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

ZAMJENIK DIREKTORA
Generalni inspektor policije
Ensad Korman



Dostaviti:

- Sektor za mat. fin. poslove
- ponuđačima
- u spis